

O TRIN PHRALA KAJ ČŠINEN KAŠTA

Ulo kaj ulo dekhana trin phrala roma. Dies palal dieseste ol žanas ando veš, kidenas kašta thaj pe dumeste ingalenas len ando kurko. Biknenas len othe e barvalenge thaj ačuka nakhjarenas.

Jekh dies pale thovde pe dumeste o tovera thaj cidinde karig o veš. Ko drom resljas len bipenžardo phuro thaj pomolingjas len:

- Len adavkha khoro thaj anen mange pani, kaj merav panjeske.

O po-bare phrala nisar na podikhle karig leste thaj nakhle. E ciknedereske pelo pharipe e nasvale phureske, liljas o khoro lestar, arakhljas pani ando veš thaj uhtavgjas les e panjesa. Lačšes ama o phuro ulo o Somnal Del. Kana cidingjas peske ov phengjas:

- Akana ka žas tuke khere, ando dvoros ka arakhes do parvarde xeren. Ol si mere thaj me dav len tuke te ingalkjares te kašta e ievendeske thaj te biknes len ando kurko kozom manges.



- Me phalikerav tut, papu! Ama sar te irinav len tuke? - phučljas o terno čšavo.

- Ma xa xoli dalkheske, čšavoreja. Ol žanen po drom - phengjas leske o phuro.

Kana o terno čšavo gelo khere, čačeste ando dvoros leskoro ažarenas les duj xera. Lenca ov phiravgjas borkha kašta, kaj ulo leskeda, bikenimnaskeda xari ekhe beršeske naangle. Palal dalkheste ov mukhljas e xeren te žan paš pe saj biste.

Kana ikistile palal o gav, o xera irisajle manušende. O phureder phral phengjas pe po cikne phraleske:

- E, phrala! Lačšes kaj uhtavdiljam adalkhe samarendar, ama akanarlar naangle ka žanas, kaj phure manušeske buti nanaj te čšivas rigate.

Erlija dialekto andar i Bulgaria

